

真人不露真玄門不露玄方士乃何物自獻徒紛然堯舜享壽無爲靜也專幾會餌金石而乃得遐年我愛廉夫子忠悃心拳拳上書攻異教肝同鐵石堅吾家有二老至今作天仙子房師辟穀志和隱釣船素與天子近不談汞與鉛功成身勇退英雄則有焉帝王自有事豈在白雲邊凡爲大臣者孔戒必當先我愛廉夫子正氣如孟賢

時人有廉孟子之曰

題止善堂呈主人

半點塵埃不許侵四圍垂柳正陰陰主人自是能知止無物能搖至善心

廉平章以書薦余名於劉仲晦太保感而詠此

道藏輯要

三丰全集 古今詩類

古

續畢集九

賢與賢相近得逢推薦人愧非梁棟質名動帝王臣有意求勾漏無心據要津辭尊往說法願現宰官身

送廉公之江陵

我有老親頭已白矣我得微官公之德矣公自愛才我非貪祿公往江陵民皆受福

博陵上仲晦相公

姓字勞公記山人入宦場一官容懶散百姓盡淳良囹圄生秋草男兒思故鄉別求賢合尹吾不坐琴堂

有感

毛義從茲隱葛洪豈戀官欲尋李太白同說大還丹家國伊人

任孤哀獨我單潛然雙淚落飛雁影高寒

答劉相公書

太平良宰相千古能幾人青囊乃餘事不愧帝王臣得公一語
重千金公書賜我我動心所言地理無人識惟我默默信其深
公何爲者重賤子此恩此德提吾耳公東來時獨憾遲親骸已
葬不敢起長白幹龍數千里我從小幹藏之矣不望名不望利
祇望吾親安斯地穴城大山宮小山門有仙橋獲我意以此答
公公諒之莫云小子強陳詞他日訪公邢州道八盤山下請公
思

讀先子房傳有感

道藏輯要

三丰全集 古今詩類

五

續畢集九

紛紛六國眾諸侯掃入秦疆漢又收若使沛公如項羽子房未
必肯依劉

家居無事忽有邱道人見訪臨別詩以贈之

我見先生方外來先生見我笑顏開無官自合尋黃石有客何
妨共綠醅出世心從天海落入山興與岳雲回幾時佩劍攜長
笛相訪高真到碧臺

遙輓劉仲晦相公時至元十一年冬月初旬也

博學其餘事今之古大臣澹然忘嗜慾高矣脫風塵舉世誰知
我登朝屢薦人八盤他日過清酒奠公神

三十二歲北遊